

國

朝

詞

綜

國朝詞綜卷二十八

青浦王昶纂

陳章 十七首

汪沆 一首

陳臯 三首

陸天錫 三首

倪承茂 二首

沈德潛 一首

蔣麟昌 一首

王太岳 二首

蔣元益 一首

章愷 二首

鄭廷暘 二首

李果 一首

韓騏 三首

陸文蔚 七首

陸文啟 一首

朱研 二首

方元鹿 一首

張棟 一首

陳章

字授衣錢唐人監生乾隆元年薦舉博學鴻詞有竹香詞二卷

天香

和樊榭咏烟草

湘箔排乾并刀縷膩鶯兒嫩羽盈把曲項縷金通中截  
管石火星星延乍疎簾霧裊正櫻顆吹噓蘭麝誰道縈  
懷綰抱花陰暗香相惹 移根自來海汊種春風遍依  
田舍便少論功仙錄浣愁堪藉客到茶甌未泛領舌本  
芳辛漫閑話更憶銷寒孤篷雪夜

水龍吟

漳蘭

黃磁玉立亭亭種來不是湘江畔露懸翠滴沙明佩冷

海天夢遠闌角吹馨簾痕漾水誰家庭院記納涼清簟  
珊珊弄影殘粧改臨風翦 懊惱誤離空谷鎮相逢爭  
如難見鬢華妖態側生俊味獨含幽豔白雪初彈離騷  
休詠此情何限倩王孫妙筆玲瓏峯底寫冰紈扇

齊天樂

絡緯

晚天微雨縲車響依稀隔鄰燈底暗緒無端虛輪獨運  
倣就江南秋意豆花葉裏記綠蠟粧身青綃裁翅怪得  
吳娘筠籠偏愛飼船尾 西窗簾涼夢杳錦機沉遠信  
都入離思斷去仍連理來還亂催得髣髴如此誰傳繒  
事問蟬雀描成可同幽致金井欄邊月華寒似水

露華

南園秋蘆

凭闌望極弄水影離披做盡蕭槭柳眼尙青容易看他  
頭白頓忘那處江湖慣伴雨篷吟客平沙遠西風颭時  
咽了漁笛伊人道阻相憶悵露白霜清還斷消息別  
浦早枯荷蓋漫怨催折幾點冷鴈因依一幅惠崇遺墨  
汀樹暗蒼蒼與分暮色

月華清

九月十一日行庵酒後同人看月

吹斷晉鐘燒殘畫燭冷蟾娥飛天半纔罷杯巡共步蘚  
痕庭院憶勸醉老桂香中又弄影黃花籬畔如扇縱團  
圓尙未也堪延翫最是撩人幽思有咽露酸蛩叫雲

孤鴈做弄淒清寫入寂寥吟卷儘歸去休怨眠遲恐後  
夜晦晴難算凌亂踏疎林笑語還驚寒犬

憶舊游

哭玉裁詩中未盡者復填此闕

記蘋花雪裏兩岸秋山孤艇同游燕寢凝香地又君懸  
絳帳我卧青油趁閒弄風嘲月佳句幾篇酬歎事換時  
移信陵客散仍作萍浮揚州結吟社慣賭酒名園分  
燭僧樓一旦成千古恐茗溪清泚從此渾流再覓曲廊  
題字風竹語幽修更放了疎梅寒香點點都是愁

如此江山

春日游平山堂

淮東此是吟詩地闌干下臨平楚一抹山光雙懸墻影

中隱清江如縷春餘幾許正綠翦烟蕪絳飄風樹恰好  
嬉游鵲鳩何事又呼雨 龍蛇當日走壁有風流歐九  
應占千古韵與堂高人如酒俊燕子飛來能語名泉軒  
取待槐火新時試烹花乳去覓扁舟月痕天際吐

摸魚子

新荷

愛青圓貼波千點參差浮滿溪口半披半卷欹風裏也  
解露珠斜溜憐影瘦算只怕禁他白雨聲聲驟低牽翠  
柳是那箇闌干輕漪颭動涼氣灑襟袖 思前度綠意  
舩脣左右如將羅扇交覆未堪包鮮憐香嫩那稱拗筒  
呼酒沿碧甃便小小多情蓋得鴛鴦否舉來滿手問次

第熏風見蓮幾日方許去尋藕

齊天樂

五月下浣送樊榭歸湖上

江南幾日黃梅雨歸帆卻乘新漲水驛濃陰烟邨返照  
欹卧一篷疎響雙峯夢想羨濯罷塵纓便呼吟舫翠滴  
杯涼雪鷗三兩泛相向湖邊無限勝賞最波心盪月  
吹過漁唱扇引荷香橋分山影身在誰家屏障髣髴絲漸  
颺算二頃難謀甚時偕往老屋都荒濕苔綠砌上

杏花天

歸鴈

眠沙夢冷瀟湘岸卻暗被東風催轉關河月底相呼喚  
不是來時路遠避雲羅翻憐翻健衝畫角還驚影斷



花前思發人空怨滅燭數聲枕畔

綺羅香

春寒

暗妬花嬌潛憎柳寵做弄餘寒成陣料峭東風剗地又  
相勾引羞語澀鶯舌調遲怯棲單燕梁偎近啟鏡奩人  
試梅妝朝來呵手凍猶忍繡幃長是掩欵奈和離愁  
漠漠釀成幽恨瘦損潘郎滯了玉驄騎俊慰溫存誰燕  
熏爐勸將息替斟芳醕待歸時試問孤衾夜長眠怎穩

又

春曉

何處殘更誰家小院好夢鶯聲啼醒靄靄瞳瞳移上畫  
簾花影試羅衣麝冷熏篝掠霧鬢粉指粧鏡憶娉婷玉

虎牽絲此時纔汲景陽井  
櫻桃階下欲折微露如珠  
綴草怕行香徑水嫩晴光多少綠房斜迎寫弱柳乍散  
烟池蒸暖翠半含雲嶺恐誤他佳約尋芳鈿車橋畔等

點絳脣

宛轉橋

笑問朱橋如何也似愁腸轉翠波應怨照影驚鴻遠

澹月輕陰做出林塘晚無人管峭風凌亂吹得楊花滿

木蘭花慢

秋鐘

傍僧樓絕壁發高響沈寥天逐樹杪微雲雨餘濕翠流  
出空山悠然數來百八遞西風遲疾總清圓敲碎楓橋  
落月扣殘松嶺朝烟  
幽閒不擾定中禪客裏警宵眠

國朝詩餘卷二十一  
五  
正孤雁嘹嘹亂蛩唧唧借洗悲酸當年憶催醉後對南  
屏人在雨涼船不似景陽遠隔星星直到吟邊

又 秋帆

憶萼鱸有興倩一片送將歸映遠岫涼雲落霞孤鷺別  
浦依依斜欹海門萬里看舟人不語挾潮飛抽向蘋花  
釣渚卸來黃葉村扉 臨歧搖落更堪悲高挂促分携  
便十幅裁蒲怎禁愁重風急還遲灣碕望中漸轉翦澄  
江峭影帶斜暉吹過驛亭如雪怕他天際相思

齊天樂

蝶

紛紅鬧綠春如海雙飛小園亭午戲便成團舞還弄影

壓繡人窺偷譜頻將粉護怕吹過闌干幾絲香雨短夢  
花房漆園仙吏許容與休誇輕薄似此也須防葉底  
鶯羽捎取畫扇翩翩游絲蕩漾總礙尋芳歸路韶華易  
去又明日重陽但添愁緒多謝黃荃寫烏圓伴汝  
宣和畫譜  
有黃荃戲蝶猶圓

謁金門 晚樹歸鴉

天欲暮流水板橋村塢背閃殘陽來又去斷雲遮不住  
幾杵山鐘歸路倚杖柴門閑數一霎無聲投那處隔  
溪黃葉樹

汪 沆

字西顙錢唐人諸生乾隆元年薦舉博學鴻詞

玉漏遲

題押簾詞用并陽老人題夢應霜花腴集韻

夜寒來雁少正蓮漏隔街聲杳酒冷香殘無計自消懷  
抱何處尊前麗句按舊譜梁塵低繞還一笑詩仙老矣  
依然年少故園無限青山憶到處疎狂短吟長嘯迢  
遞歸期孤負滿湖烟草歲月堂堂去嘆往事浮雲飛鳥  
燈影悄鱗鱗硯冰凝照

陳 臯

字江臯錢唐人  
有對鵲閣漫語

高陽臺

梅熟陰濃篁新碧淺衝泥共過閑庭涼雨沉沉燒燈洗  
盞頻傾年來已是朋歡減恨相逢偏話歸程最難忘往

事追思無限心驚 人生大抵鄉園好况涼波柳水烟  
草茸城消夏山厨湖頭正美葦莢棲梧尙有風情在休  
說道鬢影星星待秋來一舸城南竹院尋僧

天香

洋菊

舞鶴蟠翎翔鸞鏡尾秋光幻出新意瀛島分根仙樓墮  
影曾泛斷槎千里如盤吐艷看萼重還須扶起應恠黏  
枝細小翻嫌釘叢金碎 簪來更羞短髻檢空囊貯教  
難佩只合畫屏嬌姹醒人殘醉五柳歸來問省笑不是  
東籬舊風味夢落天涯相思海水

摸魚兒

塵梅追和顏吟竹

綺窗前埃凝髻几春葱閑鏤疎影園林半樹移來幻似  
霧似烟還暝看未定想京洛餘情喚起南枝醒冰姿乍  
認向匣鏡開邊歌梁落處忽動灞橋興 嬋娟面正似  
輕綃掩映恨無半點香賸莫教瑟瑟翻飛去吹落芳英  
難整空裏景偷墮處前身水底還堪證風沙漫競好模  
上苔牋依然離垢心在玉壺冷

陸天錫

字畏蒼平湖人乾隆三年舉人有古香閣詩稿二卷詞附

張銘信云吾鄉工詞輩有名家今且萃于陸氏南香大令漁鄉秘書其至也踵起者爲其小阮青棠其詞體具葩騷旨趨麗則旖旎豪宕處無不與古作者意旨脗合

淒涼犯

秋風

蘇堦忽墮梧桐葉商聲準送秋到幾人此際琴邊扇底  
聽伊煩惱烟雲似掃漸吹得鴻多燕少更何堪新涼卷  
簾酒醒未天曉因念鱸魚美倦旅飄蓬不如歸好布  
帆一片儘悠揚五湖三泖省得登高亂搖蕩心旌嫋嫋  
又無端似把鬢影暗換老

買陂塘

秋漁

幾經秋鱸香思起萍飄猶自無定漁郎便是神仙侶占  
得烟波千頃閒放艇也隨分勾留未怕西風猛鳴榔四  
應儘水遠山長荻花楓葉收拾眼前景 瀟湘意詩畫  
都曾消領只今欸乃堪聽穿漁買慣村醪醉翻笑江潭



人醒燈火映看河漢西流倒瀉蛟龍靜忘機自穩任坐  
遍危磯臨流無語深夜釣蟾影

探春 秋樓

雨過梁空雲飛窗冷秋心高處聊遣戍鼓飄風秦簫咽  
月併送涼聲一片洵美非吾土謾贏得離愁難剪不如  
盡卷湘簾放他歸去雙燕 遙憶穿鍼興後垂玉手倚  
闌天遠人遠墮葉吹簷餘花近檻猶是陌頭春怨爲問  
樓中錦可寄與南來鴻便獨倚寒江笛聲吹上天半

倪承茂

字蓀咸吳縣人乾隆元年  
薦舉博學鴻詞三年舉人

齊天樂

感舊

惜春忍看春歸去傷心物華初換簾幙香消池塘綠繞  
留得斷紅殘片塵生故苑正辜負當年畫裙紈扇開落  
荼蘼可憐不似那人面東風爲誰裊娜颺晴絲一縷  
空處縈絆半老鶯聲幾回調舌惹起別情悽惋天長夢  
短怪紫燕雙栖雨飛雲散暗省從前翠襟紅淚濺

邁陂塘

舍後鑿一小池植木芙蓉數本于側因賦之

繞吾廬扶疎嘉樹翠陰層疊清景平生最愛臨流趣荇  
藻參差交映除小逕添一水盈盈也有烟波勝何須干  
頃抵莊叟濠梁心知魚樂塵土夢初醒新妝靚更有  
芙蓉照影娉婷嬌面窺鏡年年開向秋風裡比似露桃

依井深且靜待月上空濛是處橫孤艇可人相並應色

門霞裾香生羅襪微步愜幽興

沈德潛

字確士號歸愚長洲人乾隆元年薦舉博學鴻詞四年進士官至禮部侍郎加尚書銜贈

太子太師謚文愨

有歸愚詞鈔一卷

賣花聲

學山園懷舊

婁水小林巒溪壑迴環閒携筇屐暫盤桓歌扇酒旗懷

往事前後悲歡

憑弔舊詞壇曾駐鵷鸞文章聲價亦

摧殘王氏弇園寥落盡更悵荒寒

王元美弇園相近今無可問矣

解珮令

王岡齡園居

古風江宅小停雲館又移徙梅家橋左手自鋤園植海

外名花佳果化石松屈蟠礫柯 畫師文苑詩師王孟  
會精神莖林稱可喜譙嘉賓每分付河干留舸白頭翁  
座中惟我

蔣麟昌

字靜存陽湖人乾隆四年進士官編修有菱溪遺草一卷詞附

南鄉子

寧郡王山後小築應教

矮屋背烟嵐屋角天光逗蔚藍  
牕外竹籬籬外柳穆穆  
不是幽人不許探  
小鳳貯都籃一盞旗槍雨後甘  
名士例須耽麴蘖輕酣僧院鐘聲漏點三

王太岳

字基平號芥子定興人乾隆七年進士官至雲南布政使有青虛山房集六卷詞附

憶秦娥

愁如織長廊一望青蕪色青蕪色一春風雨更無朝夕  
兒家舊住紅樓北玳梁海燕曾相識曾相識也應難  
認向來傾國

又

人如削殘魂剩影難安著難安著亂鴉聲裡暮雲樓閣  
閒處思量忙處錯西園枉記春前約春前約而今已  
是桂花零落

蔣元益

字希元長洲人乾隆十年會試第一官至兵部右侍郎有學吟集四卷詞附

浣溪沙

日射桐陰桐色鮮桐花吹落小窻邊閨中間起自年年

仙

刺繡恁般針脚細拈詞好箇筆頭尖錯教夫壻認神

章

愷 字虞仲嘉善人乾隆十年進士官編修有蕉雨秋房詞一卷

浪淘沙

風約水晶簾倦枕初忺瑤階午漏落瓊籤燕子歸來催  
夢醒輕語雕簷 閒把玉簪拈情思厭厭綠雲斜挽向  
冰奩一縷新愁無處着又上脣尖

醉落魄

花陰嫩約虛庭冷半蟾窺幕更闌簌簌風吹籜羅襪無  
蹤清露蘚痕薄 芳絨錦字深相託蓉屏一夢終蕭索

欲休還復思量著何處花房燈影掩珠箔

鄭廷暘

字于谷長洲人監生有蘭笑詞一卷

天香

淡巴菰和樊榭

縈霧難分撩雲不定也同膚寸俄泛敲火星紅探麝  
紫想像苦吟巾墊閑窗逸興算比似茶芽未減徐吸靈  
犀春透分明玉池波湛湘筠一枝倚檻忍拋他冷灰  
殘燄況是酒闌人靜夜寒尋念睡鴨鑪熏漸燼但裊裊  
輕絲趁風颭誰唾香痕碧鋪細點

謁金門

雨夜懷江蕉畦

津口樹欲繫君舟難住吟遍曉風殘月句挂帆烟水暮

幾日浮雲纔聚無奈離羣還去杜若洲邊秋幾許短  
篷今夜雨

李

果

字客山長  
洲人布衣

摸魚子 和朱吉人雨中過太湖

泛輕舟空濛似鏡迢迢烟水何許却從銷夏灣頭過斜  
帶一帆梅雨指點處見淡墨天低草沒長堤暮閒鷗嬾  
鷺羨雪羽霜襟舊盟終在許我共叨絮 從前事空歷  
征塵未悟算來蓑笠無誤湖天風景誰收拾輸與釣師  
漁父何處路看七十二峯杳靄全遮住遙岑遠樹待他  
日君家玉山雅集拏箇小舟去



韓

騏

字其武吳縣人貢生有補瓢詞稿一卷

玉燭新

秦淮水榭

舊秦淮一水繞畫閣珠簾綠楊影裏分箋度曲共名流  
無數冶紅妖翠春風如醉更不料江干塵起銷歇了禁  
藥烟花仍傷狹邪羅綺渡名桃葉依然問誰似當年  
玉溫香膩板橋凝睇秋空映斷鴛殘霞無際萍踪聊寄  
歎只有琴尊知己照窻櫺漁火星星夜寒休睡

青玉案

迎春

小牕依舊風淒緊更不減孤帷冷柳魄花魂愁未醒迎  
春羅綺催春絃管都是行春令東君且莫粧桃杏有

約歸來渾未定一朶玉梅無處贈尋春蜂蝶喚春鶯燕  
總益傷春病

桂枝香

書感

寒蟬暮咽正塞雁欲來梁燕將別惆悵庭前芳樹待飛  
黃葉可憐歲序逢搖落況驚心那人摧折叩門呼侶剪  
燈留話而今銷歇念往日山梅似雪對綠髻春風幽  
意相結同醉花前聽我浩歌終闕十年湖上留殘夢但  
斜陽烟水明滅滿襟秋思多應添我幾莖華髮

陸文蔚

字藹卿青浦人諸  
生有采蓴詞一卷

祝英臺近

游廢園用夢窗韻

趁蜂游隨蝶去山折又逢路斜日溪橋還放獨游步試  
尋搭柳低垣繡苔深逕已身入園林佳處歲華度蕪  
沒酒地詩場經過幾風雨似夢韶華餘蹤剩飛絮一番  
攀竹幽尋撫松懷古且容我夕陽凝竚

沁園春

屏

屈成舒開暖玉周遮春風自輕看華堂六扇遙山奪翠  
閑窗一面夜月通明刻就螭形染來猩色假倚偏宜短  
榻橫名堪借有小庭芳架編竹新成寫生好手偏能  
却一點沾來誤指蠅放羅衣長挂麝香不斷花名列記  
螺墨常凝半爛銀釭半欹角枕徙倚還愁倦眼醒昏黃

也似踏歌聞處欲下娉婷

劉孝威詩羅衣長掛屏陸游詩花名記小屏

齊天樂

送耳山侄之石埭省養

蘭舟吹轉吳淞路依依望雲情切半壁飛蟾千絲舞柳  
重送滄江輕櫂臨風話別寄一語勝常過庭煩述七十  
灘廻零陽山色笑相接 中秋又逢令節小山叢桂放  
歸棹新撥兩地聽蛩一時望雁無限相思應結重逢計  
日要峯泖前頭細評花月指點飛帆海天潮正濶

應天長

秋晚訪菊飲九思齋

鷗邊散雪鷺外斷霞江干老盡秋色惟有打窗愁葉紛  
紛滿堦積飛鴻過無信息想故里徑深蛩寂無慘候酒

伴須尋重理吟屐 恰喜故人家素壁秋屏猶有傲霜  
格燈底一枝遙曳依依似相識霜風裏留伴客笑幾許  
艷香陳迹拚沉醉酒熱花寒休負今夕

疎影

賦窻前梅花

寒窻半額訝月痕移上驚見春色小小禽飛傍梢頭  
橫枝顫向寒碧霜清鐘靜無人處早無數珠苞齊拆愛  
冷香遞到尊前不怕竹枝相隔 閑向石闌題句小橋  
尋步去殘雪猶積紙帳清寒素被添熏風味從教思憶  
還愁短檣衝波去謾想望夢雲無跡喚玉人憐取芳華  
莫近畫檐橫笛

綺羅香

乍暖還寒將醒又睡暑識些些春意雨線烟絲作弄一  
天愁味憑問訊燕子來時候消息海棠開未怕惜花情  
緒都慵繡簾寂寞小窗閑鴻邊芳信未穩試展高樓  
望眼平波無際庭院誰家多少蝶圍蜂隊難自遣病酒  
心情共誰賞賣餠天氣但斜陽小立移時好風吹第幾  
水龍吟 枯荷

霜華點到芳塘做成一片淒涼意紅衣卸後綠雲何處  
茫茫烟水瘦不禁風高難擎雨欲沉還委伴枯蘆敗葦  
蕭蕭槭槭向遙夜秋聲碎楚客滿襟愁思問秋衣可

堪重製捐機支淺倦驚空礙眠鷗難翳半面猶歆一莖  
旋折可禁蕉萃記江南舊景田田多少恣游魚戲

陸文啟

字字東青  
浦人諸生

驀山溪

題冷香徑

探春還早花信初相憶霽雪未銷融芳徑裏尙無行跡  
簾櫳乍啟陡覺暗香來幽興發好携筇踏凍尋消息  
南枝先放不藉東風力一晌愛冰霜又那怕吹殘橫笛  
無情有思閒向月明中依石磴傍疎籬快把吟牋擘

朱研

字子成號紫岑休寧  
人寓居吳縣貢生

張少華云紫岑宅在閭門外桐溪浜前疎雨  
樓侄秋潭居之後有萍花水閣則爲其子桂

泉任時霖讀書地紫岑長身玉立工篆書一  
家子任以倚聲唱和與吳竹垞趙璞齋及從  
弟朱吉人等詩酒流傳吳中以爲佳話

天香

淡巴菰

石火敲紅筠簟暈碧金絲細細初撚冷夢春殘甜香午  
醉縹緲楚雲千片憑闌小立又夕靄霏微庭院消受羅  
囊暗佩勾留蕙鑪餘篆東風門茶候暖伴無聊隔花  
人遠尙憶晚移珠舶瑤箱輕展曲島潮田綠遍待喚取  
耕龍起天半海上餐霞飛仙舊館

南浦

題沙斗初春江雨泛圖

芳草滿春汀漲平波最好柔藍新染楊柳板橋低銀塘



外誰倚烏篷漁檻輕簑短櫂亂紅流處飛花點無限溪  
山清興美記取一奩寒鑑尋詩吟向菰蒲狎鳬鷗水  
枕風巾自檢茆店濕炊烟閒凝佇依約酒帘斜颭幽懷  
冉冉一聲漁笛情消黯何日吳淞招舊侶茶竈筆床同  
泛

方元鹿

字竹樓儀徵人監  
生有紅香詞一卷

念奴嬌

商聲初起正惺忪雨過秋光如洗薦爽西風迴枕簟  
地闌情荷芰翠蓋紅花芳心玉面多少亭亭致蘭橈人  
遠夢回何處烟水依約一艇城東邀涼載酒記得年

時事渺渺波人不見觸忤今番秋思病眼看花籠香  
無分不信緣如此恰輸鴛侶半在萍影衝碎

張

棟

字鴻勳號看雲震澤人

水龍吟

廣陵調古誰彈拂牀焦尾無人御空庭月落瑣牕人靜  
悄然無語目送飛鴻響隨流水淨蠲塵慮望玉僊携手  
松風瑟瑟便心會天然處休說成連音妙衆山中科  
頭箕踞神融意徹左司新興不由人助詎似泉明絃徽  
襟懷騫翥却無心感歎當前景物落花飛絮

綜卷二十八

國朝詞綜卷二十九

青浦 王昶 纂

江炳炎 二十七首

江 昱 二十人首

江炳炎

字研南錢唐人  
有琢春詞一卷

陳玉几云琢春詞艷艷如月亭亭若雲蕭然  
遇之清風入林程物賦形而無遺聲焉至於  
審音之妙鑄合尺圍靡間絲髮昔人所稱神  
解者非邪

南浦

秋水用玉田韻

隔樹漏空明白粼粼雁夢驚涼初曉磯沒舊春痕風微  
皺零剝楊絲低埽青銅淨拭倒窺山影參差小依約寒  
汀孤照外冷浸碧天煙草 晚來飄送淩歌與呶啞響

答沿波去了記得落紅流相思處又換蘆花吹到閒情  
浩渺吟魂獨倚江樓悄到道輕帆歸別浦暮雨瀟湘多  
少

綺羅香

春晚同陳玉几夜泊虎邱聽鄰舫琵琶聲  
與雨聲互作悽然於懷各賦一闋以寫此  
憂

帆脚初收船頭小泊共向山塘攜手可惜來遲恰過好  
春時候絕不見倚檻調鶯更那處垂簾喚酒算殷勤只  
有東風依依分綠上楊柳何須重省舊夢生怕幽懷  
感觸頓添腰瘦夜永鐙枯喜得故人相耦聽敲篷雨滴  
鄉心和隔水絃聲指騾一絲絲彈出悲涼淚痕餘兩袖

臺城路 蟄

幾聲布穀催啼後青陰已遮邨路社火添溫晶鹽罷浴  
蟻影筠奩初聚鍼停弱縷早又是頭眠試穿單紵麕眼  
籬邊夕陽深閉小窗戶無勞生客過訪便音訛筍字  
難遣微露古陌風尖斷垣烟冷誰識吳娘辛苦閒愁意  
緒第一怕柔條曉來沾雨聘得狸奴夜鐙重喚汝 生蟻之先  
預以火暖蠶驚蟄時鹽水浴之蠶值眠時人室宜暖蠶  
婦必衣單衣以驗寒煖鹽住食則分擡去煖沙恐溫熱  
傷先眠之蠶蠶時忌生客入門且諱道筍字嫌與損同  
音

買陂塘 蕁

記年時湖干信宿隔窗夜雨聲驟曉來淥漲平波澗鏡

裏千絲春透沙渡口有淺淺漁舫低傍晴楊柳吳娃短  
袖把蘭槳輕分蘋花細撥采摘小垂手江鄉好說甚  
燒菰剪韭香羹堪佐杯酒蕭然十載羈棲客邸爲吟詩  
銷瘦從此後拼忘却名心去伴西溪叟秋風依舊縱不  
比鱸魚屢繫歸夢烟際幾回首

淮甸春

自題紙帳梅花

閒門客裏嘆年年辜負西溪游展約與冰魂同小住十  
幅吳綃裁白筆勢天斜墨痕浮動淡掃春無迹橫陳瘦  
影冷雲低照瑤席憑仗半榻東風悠揚成夢夢遶花  
南北嫋嫋清商聲乍起髣髴江城吹笛月正移檐星猶

綴樹別有留香國殘更催醒爲他吟遍寒碧

又賦歸雁同樊榭後江

秋風汾水記來時一路晴霜吹滿驀地匆匆驚歲換添  
了蘆芽長短燕入江南遞將歸信暗逐春程轉依然辛  
苦邨堪關遠山遠從此月約星期扳攜舊侶飛度寒  
沙晚潦草青天書幾筆只怕羈人腸斷喚起烟波十年  
清夢惱亂離鄉怨黃花搖影却愁容易相見

憶舊游

送楊松谷游江楚諸勝

記停鐙共巷永漏敲扉幾度殷勤忽起飄然興指落霞  
南浦長揖匡神添了卷簾疎雨吟遶棟間雲便趁此東

風招邀古鶴吹笛江濱  
逡巡戀游處是篆印分章花  
筆留裙別後悽清意問隔窗梅影誰伴黃昏料得夢中  
尋我我夢也尋君莫說着相思山遙水遠愁夕曛

八聲甘州

久客揚州追思湖上清游之樂悽然有作

記蘇隄芳草翠輕柔柳絲拂簾鉤趁花風吹帽扶藜買  
醉正好清游日落亂山銜紫堦影挂中流喚櫂穿波去  
月滿船頭不料嬉春散後對白雲揖別烟水都愁數  
邨家池閣曾嘯碧天秋到而今歸期未穩夢六橋飛滿  
舊鳬鷗更初轉猛驚回處却在揚州

長亭怨

再賦歸鴈同樊榭被江



乍回憶殘寒時序永漏啼霜幾番悵楚故國情懷異鄉  
滋味久延竚暖風沙外纔拂動青青樹可惜此韶光總  
讓了差池雙羽 吟侶望蒼烟影裏點點飄零何處瑤  
函寄後料先趁月明南浦試屈指杳渺江關恐猶悞春  
程遲暮莫再寫相思撩亂離愁飛去

揚州慢

康熙己丑余以事留維揚頗逐游侶之盛  
已亥秋復來此間借玉几松門虞泉追續  
前期不禁今昔之感歸寓後譜此一解

秋欲添寒景偏催暮十年再溯城濠遶林園一帶訝閣  
冷香飄半忘了誰家姓氏壞荷枯柳相向無聊憶當初  
歌煖琵琶銷盡紅橋 夕陽影裏載幽期仍此蘭船縱

舊雨分鐙新知贈笑難遣今宵只合醉鄉深處乘風去  
濯髮吹簫嘆繁華都歇惟餘圓玉空高

角招

秋初雨後拉潘仲寧蔡松原洪丹山步至古渡橋扁舟溯草湖而前樹色水氣都饒靜界絕無陸舫喧雜斯游第一樂也詞以記之

禁殘暑飄來幾陣涼颼幾陣疎雨此時懷舊侶寂歷旅  
窗悽斷吟緒招邀緩步最好是危橋斜渡指點烟波畫  
裏看垂柳拂行舟罨紅欄低坳幽趣蓼灘荻浦渡歌  
未歇猶遠聞簫鼓夕陽剛挂樹倒影波光條條金縷微  
陰轉暮又碎著秋雲如絮把酒臨風且去莫辜負酒邊  
朋風前句

齊天樂

蟬

者番恰又秋來矣。因秋頓添懷抱。寂歷林園。蕭寥池榭。吟得梧桐俱老。參差樹杪。是乍咽還悲。一絲猶嫋。天淡雲間。數聲流韻在殘照。西窗夢回。尙倦聽哀音又起。風裏催曉。吸露逾清。裁紗較薄。消受幽懷多少。荆扉靜悄。滿落葉瀟瀟。未荒庭草。雨後空山。晚涼嘶更好。

買陂塘

送史南如還陽羨

弄檐牙。懸冰滴溜。驚心又是冬序。天涯知己。悽然別勾引。鄉愁良苦。楊子渡。望不斷。寒山遶盡。烟波路。君從此去。趁雪點荒江。蘆飛斷岸。猶見冷楓舞。荆溪畔。竹徑

斜穿簾戶早梅開遍無數盈樽笑酌鸞兒酷更挽室中  
眉嫵相對語那似我蓬吹梗汎家何處休遺舊侶許春  
水揉藍楊條渲綠來聽隔窗雨

壺中天

秋日康山燕集

綠楊城裏訪康山往蹟葉深誰掃恰值幽尋逢地主一  
逕來穿平島落影生衣煙光撲袖歷亂啼歸鳥檣竿檻  
外好風吹過林杪遙見隱隱峯尖隔江晴送碧猶銜  
殘照淡白秋空雲幾點吟思冷然飛到借酒攜朋忍寒  
邀月莫負閒歌笑琵琶銷歇惱人多少懷抱

高陽臺

清溪女子雄縣題壁畫卷

百字令

爲述庵題三柳漁莊

清門無恙數上虞江畔高懷堪並橘社蒹鄉隨處好無  
限風佳興十里肥波一區瘦地短屋如吟艇蕭蕭蘆  
荻夕陽閒弄答簪况有九點烟鬟梳紅抹翠日日臨  
清鏡攜笛橫琴兼載酒醉臥兔華涼影浩蕩鷗盟踟躕  
鶴夢香土情徧冷結鄰儻許花南卻掃三逕

薄倖

落花

閉門深閉又幾陣風疎雨細恁枝上無多春色都入杜  
鵑聲裏最防他雙蝶依依採香舊路渾難記看鶯嘴啣  
殘馬蹄襯徧一片斷橋流水思昔日揚州夢空腸斷

國朝詩集卷三十一  
絲陰青子想茶烟颺處飛來幾點濛濛絕似青衫淚髻  
絲蕉萃縱殷勤題徧新詩可有朝雲寄東君去也莫向  
闌干重倚

憶少年

楊花時節梨花庭院桃花人面重尋已無路吹雲中僊  
犬幾點春山橫遠岸也難比翠眉痕淺東風落紅豆  
悵相思空徧

倦尋芳

送春同竹嶼作

柳遮翠館花落紅亭催老芳序滿目江山何處送春歸  
去漫惜侵簾鶯語滑可憐隔浦鶉啼苦最消魂是斜陽

吹寒苦角清絕詩人慣惜春銷瘦一點點收添吟篋轉  
爲伊費盡相思細把斷魂重接 依舊丰顏冷艷幾番  
感歎後尤表高潔莫傍妝臺只恐花光欲上釵痕飛貼  
還教剪綴疎枝杪錯認作柳邊晴雪想珮環遙夜歸來  
不怕曉風殘月

買陂塘

余客揚州與黎鄭門間濶三四載今春解  
后卽歸懷寧秋來復得一面云將稅駕爲  
水家訝庵太守幕中鹿鹿行蹤買山不遂  
與余同一嗟歎耳

曲欄橋紅船載酒竹西幾共寒暑年來同似風前柳飄  
泊形蹤無主思舊雨屢夢繞天涯夢裏尋君語相逢且  
駐奈酒易牽情歌偏解別催上短篷去 駕湖畔冷落

如米官署依人王粲良苦團臍紫蟹披綿雀佳味空標  
食譜傷感處是望斷龍山烟外迷歸路浮生逆旅但薄  
有田廬蒔花插柳吟嘯也千古

念奴嬌

雍正甲辰臘月念四日猶客揚州聞門寒  
坐薄日初暝急雪麗窗人意俱靜想我友  
袞江亦同此清致也賦詞懷之時將游燕  
兼以誌別

微陽纔歛忽亂雲堆裏粉痕狼藉淡着平林三兩樹儼

對高寒圖畫曲巷門荒隔墻人遠

余居停與  
袞江爲鄰蕭瑟間亭

榭垂簾鐙火望中難共清話因念煖酒扶春含毫意

邈吞吐淹羣雅約畧宮商彈古調不數秦郎聲價酬詠

方殷東風相待催上燕山馬他時重見攬衣吟醉花下



琵琶仙

乙巳二月被江招飲康山舊友尺鳬樊謝授衣同時屬集俯仰之際愴然於懷賦此以紀斯游之不易也

萍合何期忽多少舊雨天涯重集芳樹遙帶斜暉王孫  
尙延客談往事蒼涼激越更呼飲武功遺宅徑草春幽  
墻花艷冷鶯語猶澁想當日高築亭堂認螺髻飛來  
照瑤席聽遍幾回絲竹慙風流陳蹟誰再續琵琶古調  
剩檻前柳影凝碧可惜空外檣竿淡烟愁隔

江月晃重山

秋晚同松門樊榭汎舟紅橋

傍晚烟痕帶紫忍寒柳影餘青畫船冷落載詩人沿秋  
去露葦做秋聲喜得寂無簫鼓水雲靜締鷗盟昔游

如夢杳難憑，彎環月依約，渡遙汀。

揚州慢

旅館秋夜對月奉懷玉几客真州

螢墜花梢，蟬吟牆隙，小堂逼作輕寒。漸涼歸短，  
上欄干正砧杵，誰家夜怨。斷聲相續，飄響空烟，忽蒹葭  
秋思。去低徊，綿渺無端。此情耿耿，好憑風吹到君前。  
記曲巷聽歌，紅船載酒，彈指經年。料得遠江孤館，今宵  
夢異路同憐。悵雞催曙，殘缸猶照愁邊。

聲聲慢

玉几先生，饒有田廬，彈琴歌詩，堪永朝夕。  
事起意外，蕭然廬空，年來奔走南北，息影  
何期。乃畫秋林，讀書圖以寄意，亦可悲已。  
余與定交垂三十年，悉其榮悴消長之故，  
辱承命筆，烏得無言。

琴樽狼籍杞菊催殘惜君舊徑都荒廿載飄流幾番空  
夢池塘回思曲廊幽處讀書聲半掩文窗剛剩得畫圖  
中風景無限蕭涼 跌宕襟懷古意把零編亂軸唱徧  
宮商事事差池不堪重問行藏閉門漸聞墜葉想而今  
添了斜陽待後日補當初茅屋長嘯秋光

摸魚子

余與鮑薇省杭州一別八年于茲矣乾隆  
丁巳仲夏五月執手揚州談諧竟日歸寓  
後譜詞以誌離合之感而余之境遇心迹  
已約見於斯言

憶西湖淥痕初漾昔年同釣烟水漂零長繫蕪城柳君  
亦溯歸鄉里雲影裏盼不到邊鴻乙乙傳書字相逢此  
地快頰雨脣風詞芒筆陣歷歷見英氣 平生事休歎

從前蕉萃空教如夢如醉卽今雪縷添雙鬢何必倚闌  
揮淚雖老矣猶欲挽斜陽笑指紅霞起遲遲去計得共  
巷分鐙沿源討古商確有餘味

珍珠簾

上已佳日余弗修禊久矣簾船促膝寓齋  
煮茗清話出鳳林書院詞本相與吟諷追  
憶永和之盛悠然意遠各譜一曲

悄悄陌巷深深宇夢醒時禁住梨花疎雨檐鳥哢新晴  
喚踏青人去都道重三今日好問邨處沿波流羽延佇  
喜舊侶萍連心期相許誰料忘了提壺比炎州風致  
却殊幽趣汲水試春旗且畧商今古一卷清詞循諷久  
又淡淡斜陽催暮回顧看蟾影初鉤照君歸路

買陂塘

余於乾隆丙辰三月自杭徙居鎮州丁巳九月賃屋資竭復移歸故里臨別依依題詞屋壁

遶茅檐接天烟浪啟窗遙對北固貪閒妻子都成僻到此同聽風雨饒別趣慣掩却雙扉插棘圍圓琴樽韻古祇畧整筠廊斜添草閣安頓小兒女萍蓬蹟昨歲方占寧宇如今仍作飛絮卽看雞犬渾無着更傍誰家門戶堪恨處是手種梅花未見寒香吐空梁燕語道一度逢春一番秋老寂寞自來去

江 昱

字賓谷號松泉儀徵人諸生有梅鶴詞四卷

刁去瑕云賓谷雅好南宋人詞尤愛其中一二家最平淡者平日論詞及所自爲並能追

其所見 趙飲谷云賓谷梅邊琴泛一卷追  
清石帚繼響玉田昔南史稱柳公雙鎖爲琴  
品第一若梅邊琴泛者其亦第一詞品乎

買陂塘 題家研南冷紅詞

搗檀痕細巡銀字冷楓江外紅舞些兒宛轉淒涼意渾  
是玉田儔侶梅子雨又那信江南腸斷無佳句湖山間  
阻漫芍藥廳前茱萸灣畔寂寞寫離緒 垂虹路雪夜  
吹簫自度風流空憶南渡平生亦有梅邊集流水靜傳  
絃語余詞初名梅邊琴泛堪和汝還共嘆幽商不入昭華譜爲鄰  
舊許約鷗雨漁烟甕春逢月吟嘯傲千古

好事近 客真州峇內寄懷

江館雁聲寒酒醒愁來時節知道小樓人靜滿簾波涼  
月相離不遠却相思誰信此情切留取夜牕相對剔  
燈花間說

鎖窗寒

閨中坐月

艷譚歟蓮香銷鼎麝翠簾風靜迴欄共凭素魄瑩空如  
鏡悄無人金鈴吹聲一方脉脉中庭浸却被伊瑣碎桐  
花占了半墻清影幽冷冰絃韻對暗水流花指纖紅  
凝瑤簪試劃小立看移苔印到更闌青絲自垂小蟲寂  
寂依露井有心情莫待來宵上遲空自等

鷓鴣天

冬夜感舊

午夜寒多酒不勝夢華往事記  
曹騰屏留綠霧香煤煖  
帳掩紅羅燭淚凝  
嗟歲月愴無憑近來風味轉如僧  
紙窗竹屋閑聽雨人與梅花共一燈

清平樂

題板橋雜記

才人老去寂寞修花譜長板橋邊桃葉渡細說舊游佳處  
尊前往事誰彈雪窗自剪燈看他日秦淮夜泊蟪蛄明月勾闌

琵琶仙

康山

春草臺荒古城角獨躡探幽吟屐駘宕輕暖吹衣危欄  
撫空碧看一桁檣竿近遠揖江外數峯青濕太子樓闌



東山宅冷遙伴岑寂 却因甚前代風流漫尋遍殘碑  
少遺跡渾把一襟依黯付閒來詞客還暗想琵琶碎了  
信樽輪比擬非匹悵望散絕廣陵夕陽愁笛

齊天樂

辛亥冬日寓海陵孫雪堂宅在紫藤花巷宅後小樓前踞假山背臨流水林木青隲

甲辰就試曾寓其上余時結稿未久有詩寄內今悼亡四載重憶舊事不勝愴然也

寒烟曲水橋西路孫郎遂初新賦

雪堂去冬始卜居於此

小砌宜

花闌窗受月更借鄰家疎樹圖書伴侶便少却功名也

堪千古下榻殷勤十年重話剪燈雨 高樓祇今在否

尙依稀認得藤花門戶倚檻吟秋臨風送雁往事空增

悽楚年光迅羽怕游倦相如後期難許且對霜萸雪醅

休負取

買陂塘 和葑田病耳

甚風情近來消減幾番歌罷慵顧尋常相對唯含笑心  
事畧憑牋素清坐處想遠磬寒蛩依約鳴還住耽吟正  
苦又數問瓶笙拋書屢起爲恁嫩湯誤 渾孤負村裏  
年時綠醕社翁空寫愁句幽懷縱託焦桐遣爭便細分  
宮羽秋在樹任葉葉涼聲夢遍吳江路蛛絲罥塵待甚  
日重攜虛堂夜寂共話短檠雨

湘月

戊午小春同樊榭授衣玉井葑田小軒泛舟  
紅橋分賦

試香過也甚湖村寂歷還動游興幾日霜晴漸逗取籬

昨先春梅信凍蝶情疎寒鷗夢暖詩在無人境林高深  
鎖鑰將一片清景 橋外畫舫都歸荒汀折葦弄斜陽  
空影似此風光但付與詞客閑來消領脈脈吟情蕭蕭  
野意淺水和烟暝傳杯休緩雁風早又淒緊

又嘉定趙飲谷自北歸年七十授衣調此爲壽爰  
倚其聲贈之

天涯孤旅是幾番夢繞吟邊紅葉彈折冰絃誰見賞一  
棹鷗波烟濶詞客梁園酒人燕市贏得蕭蕭髮薄游情  
味小牕剪燭同說 休嘆散迹江湖天教料理世外閑  
風月畢竟千秋歸我輩眼底何須簪笏兩版叢書雙鬢  
度曲髯也風流絕吳鄉春好何年長占梅雪

向湖邊

秋泛同香溪北埭蓮溪壽泉諸吟侶弟蔗畦姪石仙

雁淑涼新魚天煖淨水壘秋容清淺艇子撐烟認蘆漪  
沿轉笑幾番竹院邀僧種籬呼酒忙事閑中偏戀沙鳥  
休驚見頻來應慣十里蓮汀露冷紅香晚看畫舫靜  
橫都無人游衍寂寂休亭但斜陽空滿算一篷詩味清  
波遠天教付茶竈筆床閑侶伴吟趁漁謳又蘋風吹斷  
鵲橋仙 過馬湘蘭故宅今爲孔雀庵同王述庵賦  
繚垣碧瓦小樓金字蘆荀換將沉水杏花屋角好春空  
臍幾筆攪鈎竹子天涯斷蹟夢華前事笑我舊曾來  
未板橋烟月總飄零漫贏得冶愁消醉

夢橫塘

六月十日由古渡橋放舟至篠園荷亭納涼吟侶三四人茶餘果榻侵晨而往是日東風涼甚荷香吹來清沁肌骨隄外畫船微歌運酒暑氣如甌午後環集柳下看我輩行吟坐嘯未嘗不涉隔瀛洲也

背城喚艇隔水招鷗夜潮猶自喧牖徑向橋西看十里  
紅雲環匝萍際風微樹頭雲暗曉光離合任輕篙宛轉  
旋撥風裳翻涼露驚花鴨飛軒冷壓波心笑冰壺浸  
透白苧翻怯酒灩歌濃和幾許畫船闌雜又何似茶瓜  
鎮日硯滿香雲靜相狎拍遍低闌問花無語有鳴蟬如  
答

聲聲慢

爲王述庵題三泖漁莊讀書圖

魚波吹月鷺藻霏香烟籬靜鎖幽閑錦暉牙籤松陰寸  
笏堂寬纖塵不侵冷夢但九峯飛翠凝寒空簾裏認水  
村風景還認藍田頻點零珠鏤管有新詞都付雲水  
孤絃月笛風鉦遺音花外誰傳研朱更追三古指梅花  
數點牕前

時方注易

乘興到小圖中添我釣船

桂枝香

乾隆癸酉二月吳門鄭馬谷以寒夜題予詞後之作見寄自春徂暑未及奉酬茲予復賦悼亡秋中始爲倚和時飲谷趙君已悲宿草問其詞散失并冀馬谷爲之料理筆底哀澁聊以代書

霏香秀筆笑老去閑情時倚風笛烟雨橫塘贏得斷腸  
蹤跡詩仙寫韻吹冰雪肯逢場剪紅裁碧野吟蕭散漁

歌菱唱鎮勞孤憶 歎憔悴華年怨瑟有苦調茶瓶堪  
寄愁寂白髮王孫解道夕陽紅濕雲昏雨冷簾花碎悵  
飄零銀字誰惜冷楓江遠新詞空和暗蛩悽壁

摸魚子

懷寧黎鄭山久客將歸爲述千里修江孤  
行未償因次第其辭以爲別

黯銷魂片篷斜挂歌聲低咽南浦楊絲照水牽零亂渾  
寫別離情緒心最楚是未習風波千里沿潮去憑誰慰  
汝念山欽啼烟江脉吹浪此際怯孤旅 歸期數有日  
凝眸望處龍山欣見春樹家園荀蕨充枵好却整絲衣  
庭舞深夜語把梗泛萍漂辛苦尊前訴重來慢許等碧  
搗蓮房黃蒸桂粟再共短檠雨

高陽臺

西園感舊

花雨平橋楊絲罥戶風光重到驚心綏綏香車歸時長  
認芳林幾番同醉櫻桃樹更幾番同聽清音最關情小  
字題名綠玉痕深 如今早是前歡遠甚梨花未落滿  
院秋陰欄檻依然芳蹤何處追尋槐根仙夢空拋却讓  
雙棲碧翬文禽黯銷沉弔盡斜陽暝色悵悵

清平樂

題畫

綠楊未絮羣屋和烟雨人靜潮生村景暮隱隱桃花成  
塢 迷離斷港荒塍不知誰寫溪藤彷彿江南夜泊舵  
樓風颭春燈



摸魚兒

春日過員氏園感舊

古城西一箇新涼年時芳意何限園林細轉尋春路早  
是舊愁空滿凭短檻認那處紋紗同聽銀箏按吟情暗  
遠怪輕把當時好春負却搔首慢生感閒亭院依舊  
紅深翠淺韶光原自堪攬嬉游自覺全無味不是頓成  
秋苑春婉婉拚讓了風前歷歷鶯和燕斜陽又晚算如  
此情懷不如休去歸卧竹廳掩

渡江雲

比隣葉又白一字牖亭余幼同學神體文  
弱工於臨染有宋元人意致家貧奉親一  
取給於是竟以勞瘁致疾今春不起年僅  
二十五余寥落寡歡舊冬與牖亭同學琴  
嶸上人各精數曲每每共彈今此子遂不  
永年靈牀之慟悲復何騰爰寫此曲以哀

之

招魂空剪紙海槎去後耽鶴絕重游一簾花雨碎不見  
含毫淡墨寫汀洲吳綃怕展想從今添了深愁誰更堪  
傷心門巷咫尺是西州綢繆春風鄰里夜雨書燈記  
年時聚首嗟底事蘭芳未老先自成秋焦琴雪屋猶同  
譜古梅邊遺韻悠悠重爲理清商頗復知否

齊天樂

桐城方涿亭去淮陰者彌月茲歸韓上夜  
闌秉燭相對如夢不禁驚喜之交集也

斜陽幾點槐花雨恩恩故人重到帶眼移腰雪絲黏鬢  
蕉萃文園多少流光暗老須解道人生百年草草料理  
餘閒豆棚風味共茶甌新詩又盈袖底恨子春見在

誰賞幽操江月孤篷山程倦馬贏得如今懷抱飄零未  
了但薄有田廬在家貧好菰米蘋花故鄉秋浩渺

念奴嬌

爲黎耕書題秦川女子素芳遺像

東風妖冶弔聲聲杜宇秦淮楊柳香珮飄零何處覓門  
巷桃花依舊素約攜雲私盟印月往事空回首鏡綃猶  
在可憐紅淚淹透倩誰描取嬌容難傳笑靨但寫春  
山縹緲復鶯嬌花裏喚翻喚圖中仙偶贏得銷魂畫簾  
微雨夢覺黃昏後一襟芳恨破除恐付杯酒

月底修簫譜

題石仙秋聲館小像同陳對鷗作

逗魚天迴雁渚生綠渺千頃葉葉吟商騷屑助幽聽數

椽占取圓沙人間箏笛總憑仗好風吹盡  
數清景長  
是疎雨喧涼鱸烟小牕靜屈曲流波堪濯軟紅淨甚時  
問訊鷗邊颺颺瑟瑟自撐箇楸頭漁艇

齊天樂

題陳授衣閉門覓句圖

十年冷對茗溪月唯餘錦囊佳句筆響春蠶詞翻夜峽  
猶自冥搜工苦闌干屢撫想飛盡梨花墊巾來去瘦聳  
雙肩此中風味共誰語  
冰綃閑染淡墨宛斜陽巷陌  
金地幽墅授衣舊廬  
在地山背手巡檐無言指枕幾隔家園風  
雨高情自許又何必頭銜始堪千古甚日歸來和歌容  
伴汝

揚州慢

吳君周衍尊人雲逸翁抗懷雅尚居歛育水澄園在黃山下今君卜築於揚花隱竹廊依城帶水名以小水澄園追先志也賦此以貽來者

高柳吹陰密蘿生翠背城穩占幽閑儘芳塵隔斷愛水  
護花關坐清晝爐香靜裊碧波空影搖映低欄聽笙歌  
依約紅船移過簾間 練溪舊隱渺雲林鄉夢頻還悵  
狎鷺沙平觀魚榭小烟景都寒白髮遺民何在嗟前事  
澹對微瀾料天風歸鶴幾回錯認黃山

蝶戀花

青山夜泊

夜定收帆葭葦際鷗夢驚回撲簌深叢裏月上潮生涼  
入決篷牕酒醒人無寐 隱隱鐘聲何處寺響答空山

遙度空江水何必天涯繫旅思初程諳盡淒涼味

臺城路

慈溪沈蘆山以盧雅雨使君贈詩有梅花官閣揚州月吟瘦東陽到幾分之句繪其意爲瘦吟圖屬題此解

揚州官閣三年住幽懷爲誰銷凝小几揜頤焦琴響筆帶眼等閑移寸迢迢夜迴想烟月微茫紙屏清影好句圓時暗中還怕雪添鬢春痕零亂滿幅更平原主客風流相映吏散香清酒銷風細幾度欄干深凭青銅試引笑贏得珊珊羽仙丰韵待與題詩也應顚顚盡

國朝詞綜卷三十

青浦王昶

張四科三十七首

張世進一首

趙虹二首

閔華二首

樓綺二首

吳廷采一首

張四科

字詰士號漁川臨潼人監生寓居江都有響山詞四卷

厲樊榭云漁川詞剛削靡曼歸于騷雅其研詞鍊意以樂笑翁爲法讀響山一編覺白雲未遠也

臺城路

春日登平山堂作

閑來且放登臨眼高堂暫留人住繡野林光撐空塔影

詩在數峯青處闌干漫撫悵六一風流去人千古小淪  
名泉山僧爲拾墮樵煮支筇翻感白髮酒旗歌板地  
猶冷曾誤解帶量松尋題捫薜一箭流光如許前蹤暗  
數剩飛動龍蛇斷碑堪語又報昏鐘竹鳩呼夜雨

渡江雲

觀文休承畫吳松草堂圖因懷梅泚

吳淞平翦取結廬最好高卧水雲寬數峯浮遠碧點點  
蒲帆可是洞庭船誰家舊隱付丹青如此江山想一派  
桃花春漲直到畫橋邊漁天蘋風漸急柳雪將飛怪  
故人歸緩似忘却釣魚磯冷聽雨牕閑何當與寄斯圖  
去斜陽時知思茫然清夢遠定應飛渡湖烟



疎影 竹影

檀欒幾許有綠雲一片飛上簾戶慣弄微風開合參差  
卽辨秋聲來處無端遮斷闌干曲悄不礙支筇人去似  
人林探取漁竿惹得滿身香霧猶記明流交映恰青  
鸞掉尾窺鏡低舞翻怪西牕深夜挑燈幾度看時愁誤  
休猜水墨洋州派怕半幅難描烟雨正亂梢收了斜陽  
又被月波留住

齊天樂

送樊榭歸湖上

綠楊城郭黃梅雨清尊故人高會涼沁琴絲愁翻箋葉  
難寫一襟無賴吳船旋買恨黯黯江濤蕭蕭篷背數罷

郵籤滿湖烟景正相待 魚天空濶夜話想西窓剪燭  
喧枕潮籟聽竹先秋弄泉忘暑看足水光山態塵棲自  
悔羨鷗鷺爲羣蒲蓮如海別酒醒時去帆橫暮靄

湘月

辛未閏月十三夜與對田藏山會于南園池  
上暑雨新霽涼月益佳如坐冰壺中適對田  
有海上之役各度念奴嬌兩指聲一闕爲別

謝家池上愛水天閑話晚來清絕葉葉青蘆風不定吹  
上一九明月古柳凝雲高荷泣露杯影星河濶酒懷浩  
蕩故人何事言別 須惜高會難逢酒醒何處幾度看  
圓闕想得西風滄海上光射夜潮如雪烟際離程鷗邊  
涼夢相顧悲華髮無端雞唱櫂歌聲裏催發

綺羅香 春陰

雲葉微分風絲漸緊欲雨欲晴難定黯黯牕紋又作一番清冷滿園林燕僛僛隔簾幕柳昏花暝倚高樓千里江南沉沉一片綠蕪淨 鳴鳩何處試聽早減輕輿軟馬踏青芳與清潤房櫳暗裏故香先省正瑤琴悞了么弦更畫燭墮殘紅燼最清宵盼殺閑堦月來花弄影

浣溪沙

題王石谷水村圖

一片青山枕水斜綠陰陰裏兩三家江南春在玉鴉叉楊柳東風飛燕子柴門夜雨漲桃花籬根繫箇釣魚查

一萼紅

初春雪後梅花始放坐雲木相參樓有懷  
梅沂吳江

竹林東早雙禽語滑春淡玉壺中樓角疎花山根殘雪  
尙覺寒戀吟筇甚空裏冷香飛到却錯認三逕被雲封  
漠漠斜陽危欄獨倚目送歸鴻纔與江南人別想水  
風多處曾過吳淞釣渚烟融石橋香度幽境時惹離悰  
記相約清淮夜月折繁枝勸酒話飄蓬莫懶抽帆誤他  
一信東風

憶舊游

戊辰七月既望王穀原秀才于秦淮餞客  
經商寶意盤司馬水閣時漏下已三鼓  
高吟未寢遂邀共載倚歌泛月達曙始罷  
建明年重至金陵則寶意已調官粵西矣  
因作青溪邀笛圖以紀舊游屬余題誌爲  
旗此解

問重來倦旅一棹秦淮何事淒然又是清秋夜機誰家  
柳外第幾橋邊一丸渡頭涼月曾倩簾吹圓記水閣籠  
燈青衫司馬催到尊前 流連絳河沒尙倚徧清歌忘  
却離筵送罷天涯客更舊游分手誤了華年而今費他  
鉛粉染出白鷗天正秋雪吹帆消魂不是乘興船

齊天樂

七夕紅橋看荷花

小秦淮畔雙蓮節扁舟夕陽游行烏鵲南飛明蟾東上  
風過橫塘涼滿紅衣露泣甚欲采寒裳恍凌銀漢且罄  
清歡莫辭盞酒十分勸 憑闌何限惆悵記良宵幾度  
花裏吟醺水影浮香雲容淨暑脈脈易成秋怨鷗邊夢

遠况塵掩針樓未嫌歸晚倦枕蓬牕葉聲吹雨徧

又冬日過禪智寺

亭西萬竹烟消後重雲黯開蓮宇飄落楊花銷沉金雁  
換得啼雅朝暮長廊過午正泉氣侵衣雪聲敲戶小喚  
茶杯唱殘長帽老仙句遙岑分翠慰眼記松風相和  
吟商前度官樹充薪宮欄甃徑猶有傷心無數非關弔  
古照佛面花黃暫留凝佇凍月催人過橋看漸吐

明月  
橋在

寺南

壺中天

春日過城北別墅

淡烟古木正城陰綠淨客來敲戶竹外梅花三十本留

與闌干閑撫暖雪窺簾冷雲侵硯更借春陰護斜陽忽  
放數聲啼鳥何樹老去不爲春愁二分春色奈匆匆  
風雨寒食清明都過了樓外晚晴堪賦綠酒更番明燈  
上下且伴花間住停杯邀月簫聲吹破香霧

買陂塘

城南尋置烟舍地

古城陰彎碣烟水夕陽同引閑步平生不淺滄洲興合  
付白鷗爲主來又去莫認作江南腸斷尋佳句何人借  
與止一朵空磯數弓隙地便是釣魚處垂楊裏曾識  
鷺簾燕戶而今漸化榛莽溪光三尺闌干外更傍鴨桃  
花樹商略語算牆角香茅小閣須添取笑呼舊侶拚浪

擲榆錢明朝破秀來卧葦間雨

醜奴兒令 春日亭川招往湖上不起

玉梅花下晴光嫩散了茶烟閑了冰弦好箇傷春病酒  
天 提壺幽鳥空相喚夢繞湖邊愁到尊前自愛斜陽  
枕手眠

探春慢

雪洗天容烟凝山黛東風吹到深淺隄草初生橋塵欲  
動早已碧琉璃軟樣畫船柳外數裊裊幾絲黃染被他  
誇酒旗招暗省賣餠簫暖 閑裏流年催換甚雙鬢而  
今也添霜點花鎖瓊房酒黏凍螳不是清狂來晚多少



尋芳意逐歸去，鈿車人遠。門掩梨雲輕寒，翻作蕭黯。

南歌子

早秋寫懷

新漲平池面，涼花冒竹梢。一庭秋色漸相撩。倚徧水雲  
牕戶自無聊。膝上將雛曲，燈前獨酌謠。晚風吹雨又  
蕭蕭。猶幸書欄杆外，少芭蕉。

憶舊遊

春窓翦燭靜數平生南北東西余懷渺渺  
盡不獨有尙平之感也

算多愁、平子善病，相如倦矣。誰憐未了林泉約，甚孤筇  
雙屐冷落。經年重檢鳳花詩錦，磨滅遠遊篇，似踏雪飛  
鴻空留指爪。回首茫然。流連未忘處，最越角吳根，洛  
下嵩前一枕松風。夢問迷花依舊，可是無緣判學杜門。

高臥揮壁翫雲烟又觸忤鄉心亭亭十丈天外蓮

疎簾淡月

真州後遊

劉郎老也問江上桃花幾番開謝葉葉蘋風又送酒船  
西下垂楊瘦影春波藉記娟然一枝紅亞繡鴛簾斷藝  
蘭徑合舊時臺榭有誰識重來遊冶賸夕陽雙燕杏  
梁閑話一段清愁青子綠陰如畫前塵分付迴潮瀉悵  
仙源蘭槳空打碧雲渺渺漁天缺月照人涼夜

憶舊遊

南園

又謝家池館獨向林陰自啟紋窓可是悲秋早恰纔零  
柳色乍澈溪光十年舊遊誰省除是問鶯鶯記那日橋

心驚鴻照影荷氣吹涼  
劉郎髩絲改歎花事銷沉夢  
境荒唐聽罷菰蒲雨悄憑溫小檻吟黯斜陽彷彿玉釵  
敲竹新月淡如霜甚草暗烟昏撩人粉蝶飛一雙

買陂塘

妖靄書來爲余卜居于藍田之桃花川上  
更買水田四十畝爲歸老計爰賦此解寄  
之蓋不禁神往也

雁來時爲營將老菟裘人外初築萍游尙戀江南岸夢  
去幾宵相續雙髻禿待自把一犁春雨餘生足何時野  
服對藍水嶢山煮芹剥栗伴我草堂宿  
柴門外十雙  
占斷平綠煖烟耕罷生玉商顏輞口過從近醉裏吹簫  
騎鹿歸計熟更寄語明年早買雙黃犢相逢可卜倘古

雪消時落花流出引棹入溪曲

踏青游

真州城南春遊

燕子來時天氣近清明了喚扶醉提壺嬌鳥剔雲根掃  
僧塔傷心烟草解伴我江頭意行忘遠只有數峯青峭  
憇倦林亭交枝露紅春闌挽風柳壁塵難掃算青鞵  
江上路一番番老況酒渴難消暗思前度辜負小桃花  
笑

揚州慢

雨後登康山

聳勢檐端梯空巷尾故家一朵瑤岑自汴東客去又我  
輩登臨間載雨雲歸何處重城水木猶帶涼陰愛翳塵

不起風蟬遞響森沉 渺然人外笑何須更買山林對  
江上遙峯簾前老樹濕翠凝襟喚取檀槽一曲清尊畔  
爲弔知音正天風空濶二分月寫庭心

高陽臺 紅橋秋泛

響散蓮歌暖融蘆雪城陰一棹斜通淨展奩波林端影  
跨長虹垂楊未省凋零近剩倡條待挽春風換游蹤竹  
樹迴環窻戶玲瓏 可憐自昔繁華地記青樓夢好水  
調歌工璧月瓊簫多時冷落難逢閑情此後知多少尙  
霜花點綴秋容羨鳬翁不受塵轡不避吟篷

又 耆老書堂新築露臺歌以落之

架屋編闌循牆疊磴居然身出塵氛四顧茫茫江郊平  
碧涵春回頭只在梅花頂滿庭心潏潏生雲間青旻搔  
首狂吟恐惱比鄰從今幾度登臨約算涼蟾瀉水霽  
雪鋪銀竹外遙山招人露坐開尊依稀西北高樓上見  
鏡中淺笑輕顰更宵分笑倚天風引下鸞羣

齊天樂

秋夜放舟紅橋登小漪南亭上對月小飲  
因東篠園主人

夕陽催放扁舟出重湖淨無殘暑廿四紅橋十三清夜  
那計醉眠何處月華漸午正吟徧溪亭候蟲清苦忽漫  
相思故人翻不共尊俎江南最佳此日登盤菱芡早  
秋味如許香散澄懷露傾清聽闌外風荷涼語深杯送

與況楊柳多情爲人起舞倦枕魚柳曉烟吹細雨

高陽臺

歲暮自秦中歸讀家叔真州舟次見懷及樊榭竹町玉井三君子繼聲之作勉述所懷敬次原韻奉會時樊榭已返湖上

月店雞聲冰河狐蹟曉寒最憶江村竹屋青燈而今說是歸人栽松負土空山裏悵了如春夢無痕且連朝踏雪傳杯阮巷袁門叩舷相對寒潮濶甚彈毫成纈洗研生鱗隴水秦雲相思箋葉爭分飛塵倦馬驚纔定仗花前唱與招魂盼吳船十五橋邊次第探春

浣溪沙

夜合花西水閣東依然一曲亞欄紅柳絲搭在夕陽中

賸覓爪痕知劃月曾憐腰態看憑風簾鉤飛下翠玲瓏

木蘭花慢

秋鐘

正寥天畢靜却一杵隔烟撞想黃葉深林前朝古寺落日蒼浪悠揚飄林度壑警哀鴻零亂不成行縱是不關搖落也應添得清涼琅琅催月上迴廊孤館悄吟商記年時客路數峯雲薄飛下嵩陽宵長新寒夢醒聽天風傳曉韻含霜不獨寒山夜半愁人吹到船牕

西江月

江臯自津門來以詞卷見示因仿吾家玉田王孫題絕妙好詞故事倚聲西江月一闕書後卽送之歸錢唐



丁字沽涵林月筵家譜按贛洲尊前燕玉罷藏鉤倚燭  
暗拋紅豆 醉裏豪情妨夢歸來華髮蒙頭孤蓬聽雪  
到杭州襟上酒痕依舊

齊天樂

雲木相參樓看雪

精廬靜掩香林下洋洋玉花初墜覓路梅邊登樓竹杪  
幾點寒欺裘敝闌干自倚漸鶻鵒交飛烟華淨洗欲貰  
邨醪喜深聊把瘦筇試 臨風還憶故里灞橋驢背上  
猶剩詩思樹擁香絲山皴濕粉相顧白頭如此冰湖望  
裏認春水來時柳花風細忽壓松翻凍禽驚又起

甘州

壬申小除前二日榮木軒雪後擁爐愴然有懷去歲南還正以此夕抵舍余冉冉老矣宏

能久洞塵土賦此爲猿鶴問

記麻衣掩雪別西州歲晚役車休又林亭積素香篝畫  
冷試數前遊幾度天風鶴背華髮漸驚秋燈火青熒畔  
歸夢悠悠誰探草堂梅信折一枝相寄楚尾吳頭料  
流銀哀壑閑了夜回舟鎮天涯殘年兒女燕松明絮語  
伴淹留空懷想墓田春雨行叱烏牛

憶舊遊

過鄰家舊園有感

問當年楊柳因甚而今減了風流柳下鞦韆在記悠揚  
月影送過牆頭隔着一池春碧終日見凝眸况簾底看  
燈堦前鬪草生小同游難留自人去任雙燕梁間話

盡春愁見底新安水甚翻然照影天際歸舟十載西莊  
空鎖玉笛暗驚秋但五樹桃花無人獨倚花外樓

甘州

甲戌正月十三日過讓圃探梅作是日立春

策孤筇流水古城闌踏破竹間雲恰翠禽初起紅椒未  
拆門掩斜暉可是東風來晚悞了一分春一笑無人識  
檐際空巡幸是萸囊營罷似當年逋客收得閑身正  
樓高獨倚吹笛近黃昏甚偏忘絳牕今夜釘辛盤相待  
試燈新低徊久早南枝上白月紛紛

燕山亭

初夏集晚清軒

聽罷啼鶯繁紅漸稀冷翠一壺深貯孤鶴候門滿徑新

簾風裊試茶烟縷衍漾池光又吹得星星萍聚延佇記  
水上桃花那回春雨誰料雙屐參差賦未了清愁暗  
更芳序疎簾絮雪小閣蘋香重逢故人尊俎攏袖微吟  
怯燭外麥寒催去還住扶醉待柳陰月午

梅子黃時雨

本意

乍密還疎向空裏亂飛簾閣清潤看九蠟枝頭似緘芳  
信笑睽中門渾易阻搓香纖手閑支困殷勤問吹笛夜  
船曾識哀韻誰分林塘烟隱便長風起趁難掃愁盡  
記聽罷春宵暗凋雜粉又早紅綃香潤候江南佳句吟  
難穩鳴檐索吹作一燈涼暈

高陽臺 新秋園居

門柳風疎池蓮露謝  
翛然三徑蓬蒿散帙西堂連朝  
翫扇初拋炎天苦憶秋聲好  
聽秋聲翻是無聊雨蕭蕭井  
上梧桐牕外芭蕉  
晚晴樓角天如水又開簾月白倚  
樹雲高烏鵲無靈新來嬾更填  
橋清宵宜結幽人夢采  
芙蓉江上相招甚僧寮一杵涼  
鐘飛度林梢

邁陂塘 秋荷

問江南西風消息銀塘花事如許  
霞衣葱袂渾無恙但  
覺不勝風露如解語道自是玉容  
不受人間暑涼汀淡  
佇正淨展雲奩倒窺天鏡未省怨  
遲暮鴛鴦夢漸化

零烟斷雨冷香猶上詩句涉江何限騷人意似否舊時  
修嫫凌在渚便傾蓋相逢早是違芳序誰家擢女怕明  
日重來紅消翠滅烟唱渺然去

張世進

字軼青臨潼人官阜陽  
縣訓導有著老書堂詞

高陽臺

真州舟次有懷漁川

朔吹欹帆寒潮蕩月五更船到江村似我無眠長途更  
有行人雞聲喚起還鄉夢想征裘鋪遍霜痕賒迢迢萬  
仞蓮峯四扇關門 當時竹屋青燈下共書親黃嬭酒  
泛紅鱗何事今年北轅南柱輕分也知遠近難相較奈  
離家一樣銷魂待同歸已過殘冬猶及新春

趙

虹

字飲谷嘉  
定人布衣

邁陂塘

行次津門同許雙渠司馬過慕園查丈水  
西莊流覽題咏因憶曩與唐赤子翰林以  
詞相角所至輒爲慢令赤子固嘗三宿茲  
莊何獨不留一詞亦關事也不揣蕪陋爲  
賦此調并寄赤子和之

愛君家水西莊上涼臺邃館無暑風荷萬柄齊張蓋一  
一翠嬌紅嫵吾起舞渾不信人間有此清虛府花如解  
語問白髮詞人黃塵席帽休便跨驢去得且住喜有  
主人治具碧筩好泛芳醕試看六曲屏山際飛到江南  
烟雨漫凝竚恨唐勒曾來不入離騷賦畫欄靜撫正眉  
月勾黃冰奩浴彩又向海門吐

意難忘 送樊榭歸湖上

堠火沙灣聽戍樓，壓笛人罷離筵。  
雁聲寒墮地，霜色白。彌天思結，託奉纒絲小別，轉悽然對斷魂月。  
搖津樹雪，罨寒山。載將書畫歸船，有東城別錄，南渡遺編，眉添京兆柳衣畫。  
孟家蟬剪綵，勝簇春盤轉盼，入新年待與君尋梅，問鶴共訪逋仙。

閔

華

字廉風江都人監生

湘月

平山堂探梅

早梅放未已，安排筆硯料理茶具。  
雪後湖天且喚得一葉扁舟容與。  
水暝松寒花明月暗，記取佳遊處。  
誰家玉



簾數聲竹外吹去 好是渺渺禪棲無人靜夜有冷香  
遙度暗染春衫總莫辨空裏和烟和霧苑樹懸燈伶歌  
送酒却又銀蟾吐不愁花落但愁有客行路

又

澄湖綠淨正桃花遍放紅絢林際丹粉瓊瓏樓閣外幾  
樹天斜臨水吳苑人留燕京客去蚤已春如此相思今  
夜月明共照千里 遙擬勝日佳遊清池曲檻聞隔花  
謠吹西日手遮憐舊雨繫得滿懷離思酒勸分襟愁生  
餞席又道君歸矣兩番別苦阿誰念我蕉萃

樓

鐫

字于湘  
餘姚人

木蘭花慢

秋帆

看懸蒲幾葉正得意趁商飈共雨後歸雲橫拖渚尾斜  
掠山腰迢迢映波片影愛孤明遠襯碧天高已是爭先  
去鳥更憐暗送涼潮飄搖乍轉出林梢直欲礙溪橋  
慣估客安眠櫂郎不語滿耳刁騷江皋冷楓半隱帶殘  
陽誤認酒旗招飽盡西風無恙故人明日回橈

疎影

松影

清圓如笠正空山日午低覆磐石淡約流雲亂灑寒濤  
喚起髯龍幽魄閑來慣訪陶貞白愛滿院涼陰留客更  
幾番吟到斜陽移上摩天青壁曾與高人對局記斜

臨澗水釵股狼籍忽地迴  
颺勢欲蟠拏動蕩一泓金碧  
憑誰貌取驚溪絹算只有韋  
郎奇筆怕月明獨鶴歸來  
錯認舊巢難覓

吳廷采

字章五  
溧水人

齊天樂

七夕紅橋看荷花

夕陽明滅紅橋外  
亭林乍過疎雨一點秋心十分涼氣  
都在荷花深處清游試數算幾度星期不同尊俎莫負  
良宵半簫新漲漫容與  
湖天容易作暝看兩三星火  
遠移前渚銀浦流雲碧倚瀉月消得一襟風露盈盈笑  
語是乞巧人歸采香人去驚起眠鷗遠鐘聞數杵